

OFFERYNNAU STATUDOL CYMRU

**2014 No. 3222**

**Rheoliadau Rhaglenni Datblygu Gwledig (Cymru) 2014**

**Pwerau adennill etc.**

**10.**—(1) Caiff Gweinidogion Cymru arfer y pwerau a bennir ym mharagraff (2) os bodlonir hwy, o ran gweithrediad a gymeradwywyd—

- (a) na chydymffurfiwyd, yn gyfan gwbl neu'n rhannol, ag unrhyw amod y cyfeirir ato yn rheoliad 3 neu 4;
  - (b) nad oedd y cais a gymeradwywyd felly o dan reoliad 4 (neu unrhyw ran ohono) yn gais (neu'n rhan) yr oedd y buddiolwr yn gymwys i'w wneud;
  - (c) bod y buddiolwr, neu gyflogai, gwas neu asiant y buddiolwr, wedi—
    - (i) methu â chydymffurfio ag unrhyw ofyniad o dan reoliad 6, rheoliad 8(1)(b), rheoliad 8(1)(d) neu reoliad 8(2);
    - (ii) rhoi gwybodaeth, am unrhyw fater ynglŷn â rhoi'r gymeradwyaeth, sy'n anwir neu'n gamarweiniol mewn modd perthnasol;
  - (d) bod y gweithrediad a gymeradwywyd wedi ei ddechrau cyn y dyddiad y rhoes Gweinidogion Cymru ganiatâd ysgrifenedig i hynny ddigwydd;
  - (e) na chydymffurfiwyd ag unrhyw ymgymeriadau a roddwyd gan y buddiolwr o dan reoliad 15;
  - (f) bod y buddiolwr wedi methu â chydymffurfio â rheoliad 9;
  - (g) bod natur, graddfa, costau neu amseriad y gweithrediad a gymeradwywyd wedi newid mewn modd perthnasol;
  - (h) nad oedd neu nad yw'r gweithrediad a gymeradwywyd yn cael ei gyflawni'n briodol;
  - (i) bod y gweithrediad a gymeradwywyd wedi cael ei ohirio, neu yn cael ei ohirio, yn afresymol, neu'n annhebygol o gael ei gwblhau;
  - (j) bod y cymorth ariannol yn dyblygu neu y byddai'n dyblygu cymorth a roddwyd neu sydd i'w roi o arian a roddwyd ar gael gan—
    - (i) yr Undeb Ewropeaidd,
    - (ii) Gweinidogion Cymru, neu
    - (iii) corff sy'n arfer swyddogaethau cyhoeddus yn y Deyrnas Unedig;
  - (k) bod y buddiolwr wedi torri unrhyw ofyniad y mae'r buddiolwr yn ddarostyngedig iddo o dan y Rheoliadau hyn neu o dan ddeddfwriaeth yr UE; neu
  - (l) bod y gweithrediad a gymeradwywyd yn ddarostyngedig i gosbau sy'n gymwys o dan ddeddfwriaeth yr UE.
- (2) Mae'r pwerau a roddwyd gan baragraff (1) yn bwerau i wneud y canlynol—
- (a) dirymu'r gymeradwyaeth o'r gweithrediad yn gyfan gwbl neu'n rhannol;
  - (b) lleihau neu atal unrhyw gymorth ariannol mewn perthynas â'r gweithrediad a gymeradwywyd;

- (c) adennill, ar archiad, y cyfan neu unrhyw ran o unrhyw gymorth ariannol a dalwyd eisoes i'r buddiolwr.
- (3) Pan fo'r Comisiwn wedi penderfynu lleihau neu atal cymorth dros dro, caiff Gweinidogion Cymru arfer y pwerau y cyfeirir atynt ym mharagraff (2).
- (4) At ddibenion paragraff (1)(j), mae swm yn dyblygu cymorth ariannol os telir ef, neu os byddai'n cael ei dalu, at unrhyw un o'r un dibenion.